

藝文詩

五言絕句

淶水曲

唐李白

淶水明秋月南湖采白蘋荷花嬌欲語愁殺蕩舟人

石馬槽

明劉英知縣

秣馬提兵日長槽血汗汗至今風雨夜聲似嚙殘芻

青谿夏日雜詠四首

羅應箕

雲沉谿壑樹晴響寺樓鐘趁客來么鳳穿林避籜龍

招鶴窗三面遮天柳十圍生涯僧院靜閒話篆烟微

熱雲催急雨薄靄捲輕風數聲啼鳥亂滿澗落花紅

遠安縣志

詩五絕

一卷八

泉清魚可數石欹樹疑扶策杖人何往眠琴客未孤

迴馬坡

貢生周明修

大義春秋凜臨危豈惜生要知迴馬意存漢在存荆

青谿

當邑聶子英廩生

徑僻麋遺角林深虎嘯風祗疑羣峭合都是亂流通

官湖

教諭劉子垣

一水連亭子宮塘儼鏡湖桑田今已復數里自爲區

珠寶山

訓導黃庚西垣

不向靈淵採山名自號珠寶從螺髻獻珍勝蚌胎輸

老龍洞

劉致炳

古洞龍歸久龍湫洞口流如斯長不舍霖雨足西疇  
呼兒洞 郭鳳鳴 庠生

我過呼兒洞不聞呼兒聲青山終古在坐看白雲生  
撞兒溝 楊汝梅 庠生

路似羊腸轉人如蟻足穿長溝十餘里流水去悠然  
法華臺 談學粹 職員

朝上法華臺墓下法華臺臺存古人往憑眺轉徘徊  
五爪砦 砦在許舊上鋪可容五千人自明至今  
避難者皆獲保全

屹屹仙人掌當關五爪擎每憑操縱勢遠近作干城  
邊煥章 庠生

遠安縣志 詩五絕 二 卷八  
苦竹幽溪 王旭林 廩生

豈肯棲幽谷虛心是我師飽餐君子味終必有甘時  
訪周柳溪先輩過青谿河落水 曹潤之 庠生

雅愛清溪水羞爲濁世人馮夷非困我藉此洗浮塵  
空山古剎 喻承纓 庠生

剎與山俱古山因剎不空野狐迷本性佛在渺茫中  
松亭呼風 鄒日奎 庠生

有扇難揮暑松亭令緊催蜚廉聞命下頃刻送涼來  
羅漢點頭 陳教埏 庠生

獨脫紅羊劫冰霜百鍊身圓光開覺路點醒世間人

石馬槽

陳家鎔

庠生

千古稱天驥高山口澤存可憐銅雀瓦不及石精魂

鳳山晚眺

黃玉成廩生

薄暮望天涯天涯數點鴉鴉飛將盡處彷彿有人家

求雨臺喜雨

田耕心

庠生

食不從耕得歡然慶有秋無田逢米賤也是一般收

李石帆先生錦浪園

李登瀛增生

分得青蓮豔來稱第一家錦江波浪闊又見筆生花

麻姑洞

田葆元

庠生

舉手功千倍荒年不貴珠及今惟擲米利濟孰如姑

遠安縣志

詩五絕

三

卷八

千年艾

楊偉度

庠生

蓄得千年艾何愁疾疢滋治身如去病切莫待臨時

赤兔馬血跡

張運潮

庠生

血性於何見蹄痕石上留孫曹無此德不及馬千秋

絕品茶

徐步月

庠生

試院煎茶日羞爲第二人至今遊鹿苑此品是前身

斷江河

楊朝瑞

庠生

世上危微境知分界限無在山常不出濁水豈能污

待月樓

翟春蘭

庠生

月下常分韻無須太乙藜一般三五夜出海竟遲遲

棲鳳樓

沮江書院本邑侯先輩談復齋先生藏書所梁邑侯改名起鳳樓

曾述之

廩生

尋得藏書所樓高鳳可棲至今遺澤在試院借名題

十八灣

鄭德培

廩生

山水係人才瀛洲學士來此間齊吐秀盡是木天材

前題

洪光杰

貢生

九折坡堪畏臨淵險倍加一般忠義膽到此不迴槎

老龍洞

陳浩然

庠生

古洞龍樓隱神靈亦好修德潛功更大獲屈又何尤

鹿苑聽蟬琴

蔡大偉

庠生

遠安縣志

詩五絕

四

卷八

多情淚不乾幽怨咽鳳寒不遇知音者高枝獨自彈

沮江水退

王掄元

庠生

灘聲疾似雷雲氣滿江隈不覺洪濤去垂楊出水來

蓮溪小島

周東寅

庠生

小島如蓬島蓮花異眾花本源何處起君子屬吾家

破鏡重圓劉茂才余戚也娶趙氏以小嫌大歸

氏兄武生訟於學司諭秦壽彭夫子命余善

勸之和好如初口占俚語以紀其事

勸小姑

陳東生

庠生

家家有小姑姑家亦有夫將人作已想姑可受人誣

勸劉生

萬古重輪好浮雲詎損明不聞逢月食紅日棄前盟

勸趙氏

詬諍閨中有夫言貴勿違花嬌枝本弱南北任風吹

頌秦師

兒女閨中事何妨謝不知先生圓破鏡風化賴維持

玉帶七曲

焦含英

庠生

北斗近天河山谿玉帶掇奎光雖未顯已聽好絃歌

前題

李文献

上庠生

七曲文明象昭昭水面環地靈人自傑維繫錦江山

遠安縣志

詩五絕

五

卷八

天上天

李裕文

庠生

天高無底止共說抬頭是歷盡界三三依然雲霧裏

玉泉寺鐵筆

馬興珏

藍田

鐵面人間少烏庸此筆爲將他書信史告與上天知

藝文詩

七言律

碧澗寺 並敘

唐元積

八月六日與僧如展前松滋主簿韋戴同遊碧澗寺賦得扉字韻寺內有碧澗穿注兩廊又有龍女洞能興雲雨

空濶長江礙鐵圍高低行樹倚巖扉穿廊玉澗噴紅旭湧塔金輪折翠微草引風輕馴虎睡洞驅雲入毒龍歸他生莫望靈山到滿壁人名後會稀

青溪口送客歸岳州

唐劉長卿

遠安縣志

詩七律

一

卷八

洞庭何處雁南飛江菼蒼蒼客去稀帆帶夕陽千里沒天連秋水一人歸黃花裛露開沙岸白鳥銜魚上釣磯歧路相逢無可贈老年空有淚沾衣

鹿苑寺

元張翥

千古南朝幾劫灰蕭梁寺額獨崔嵬化蛇妬婦餘空井刺虎將軍有舊臺江口山紅寒照沒石頭樹白暝煙來滿衣落葉西風急更爲憑高送一杯

青谿寺

明劉英 知縣

自是高安第一山重重臺閣翠微間樹同僧臆不知老雲與禪關相對閒仙女移泉龍尚在道人委蛻鶴

忘還我來不盡登臨興惆悵浮名兩鬢斑

賀卽墨周邑侯監紀

明張大受舉人

神君此日向南征壯氣森森細柳營錦色製成銀鎧  
色琴鳴餘作角弓鳴丹山隊整旌旗畫綠樹陰濃劍  
戟明除暴治民無二法巨鯨化入小鮮烹

白馬洞懷青谿

明漳人方叔壯嵯縣令

盤盤磴道草芊綿手版迎來丈室懸白馬經過來此  
地赤烏僧住是何年石嵌雪乳沾衣上鳥弄山花落  
座前因憶蘇門清嘯者洞靈千載藉丹鉛

九日登鳴鳳山遲王明府

明簡而可舉人

遠安縣志

詩七律

二

卷八

使君爲政足循良九日登高思縹茫斗氣近占周柱  
石風流遠憶漢田郎下方谿犬甯清夜絕頂山花薦  
異香若是接羅仍倒著須知此地卽襄陽

鹿苑道中聞門人登第志喜

分校陪京幾歲來後先竹箭上金臺而今走馬看朝  
報又喜登龍屬俊才九德升庸過強半千秋衡鑑共  
推開得人報國心無恨長嘯山林亦快哉

送李明府如玉官寶應

送君捧檄莫淹留淮海分符擁上游製錦應知春色  
藹還珠可信夜光浮此時赤舄飛仙令異日黃麻寵

卓侯須念東南民力竭揚州想亦似荊州

聞李溟陽年兄曹南牡丹絕盛明張斗樞吏部

使君春色萬人家種得河陽滿縣花可但圍金傳舊  
譜更同輝玉長新葩三千自是無顏色十里何妨幕  
絳紗爲問風流白太傅能無分艷到官衙

### 殿試志喜

御墨淋漓動紫宸鴛鴦亦復點冠紳摘髭愧說年來  
夢剖璞誰非席上珍雨露彌天真浩蕩乾坤惟我自  
嶙峋開函尚有然藜草推轂何人引鳳麟

### 視南襄

明鮑良守知縣

### 遠安縣志

詩七律

三

卷八

均田乘隙視南襄環堵蕭疎武庫涼士卒漫勞棲野  
塞干城自足倚封疆風吹畫角披芳草雲帶旌旗捲  
夕陽最羨便宜充國策兵藏耒耜隱金湯

### 分司校士

明張勳

江城無暑秋初老庭院風清玉宇涼桃李已經春雨  
茂桂花猶待月華香奎星聯璧天邊燦彩鳳羣鳴雲  
外翔山水精靈回氣運會看英俊醉笙簧

### 節婦談氏建坊

明李槩例貢

蓬首雪霜飛短髮積腸血淚染疏衣鏡分影落孤鴻  
冷機斷功深兩鳳飛幾度松筠寒晚節百年砧藁帶

遐暉勒銘已動如椽筆袞語還聞出帝畿

遊鹿溪寺

明 楊瑯樹

野寺立雲露半肩杜門芳草遠芊芊鳥呼春去山山  
雨柳臥溪澗岸岸烟莫笑才人多負世正憐時事好  
逃禪逢僧一話幽懷曠徙石臨流看鹿眠

維揚高淳孫老師

明 李如玉 舉人

十年姓字賦秋聲猶記蓬生有自萌楚國神君思召  
父吳門下吏拜康成天邊皓月江南映石上清霜淮  
北生茲日何緣親錦里幸航一葦奉籌觥

咏庭桂訓諸子

明 孫尙信貢生

遠安縣志

詩七律

四 卷八

森森庭桂著花蕊萬點香飄遞後先布葉深重疑世  
永分枝悠遠似瓜傳植同寶樹成丹粟攀向瓊宮仰  
碧天繙史空慙寶氏訓月華勤采供芸編

辟寇山居寄長姪肇

孫 諳 貢生

驚傳賊焰蔽東籬蟋蟀淒吟候已移獸走豈堪來曠  
野鷗毆聊且擇叢枝雲生白日低窺戶山畜青天大  
似箕回首家園未教遠細論罇酒定何時

鹿苑

孫 惺

每到勝遊先問水但逢墨客畏愆期澗深紫氣來騷  
興亭去薰風聽鼓吹鶯轉幽溪送曲譜霞飛丹嶂動

旌旗仙僧欲識阿羅意  
聆取和公面壁時

怒飛軒示子

孫 誦 增生

風捲棠花慘淡歸孤芳  
憐爾自霏微百年鼎養難消  
恨三世綸封快振衣  
竹裏隨時飄冷韻  
窗前猶自愛餘暉  
旋看鼓翼乘風去  
莫效鷓鴣搶地飛

新城初建志喜

孫開祚 貢生

嶙嶙雉堞壯峯巔  
願頌斯干祝萬年  
石氣騰空撐峭壁  
水聲就下瀉寒泉  
樓開日月光華近  
防設關河皆指連  
從此狼烟都掃盡  
家家鐘鼎勒詩傳

遊青谿寺

馬 震

遠安縣志

詩 七 律

五 卷 八

萬木叢中隱磬聲經過此地暫怡情  
溪流處波文細野鳥歌時絃管清  
碑碣尚遺前代蹟石橋猶記昔時名  
何年脫卻塵羈事幸與先生結舊盟

鳳山遠眺

簡 惺

斗大山城別有天  
巉巖險阻屬荆邊  
石田幾點如碁布  
峻嶺千層似浪連  
地僻惟知農事好  
景奇時有異人旋  
最憐瑞鳳曾經此  
常頌神明勝昔賢

遊青谿寺

許 英 知縣

可愛青谿古梵宮  
一灣流水數株松  
半巖晴日裁雲  
衲十里山風送曉鐘  
道士昔乘天上鶴  
老僧曾亢鉢

中龍停驂坐聽談元處香裊花飛燭影重

青谿

詹應甲知縣

行到青谿谿幾重隔谿纔響午時鐘風窗四面難招  
鶴雪澗千尋尚挂龍醉倒花王欵石臥書成草聖借  
苔封禪心道味都虛寂我自張琴和古松

沮江別劉拙翁

蔣樹昌

知縣

曾從絳帳拜先生拔幟文壇舊有名座上詩書親弟  
子門前車馬薄公卿人沾雨化無遺憾我走風塵愧  
少成別後蘭臺方秉筆

時修縣志

同舟誼可憶環瀛

遠安官舍

朱錫綬

知縣

遠安縣志

詩七律

六

卷八

衙齋寂靜似禪房瓦破垣頽徑就荒  
蔽樹陰濃山雝喜短窗紙裂野蛾僵  
壁無畫本峯能補座有琴聲吏不妨  
贏得鳳凰鳴可聽吟鞭爭掛小樓旁

遊青谿洞

唐方耀

知縣

何處青山青更青青谿谿上水泠泠  
偶尋王詡幽棲洞重問當年舊講經  
洛曲至今傳鬼谷沮江終古憶仙靈  
閒來蠟屐蒼苔畔一路松風正可聽

其二

雲夢山前遠樹齊法琳洞口夕陽低  
更無蝙蝠如鴉在惟見籐蘿入洞迷  
碧牖寒來留客坐白雲深處聽

猿啼言歸不覺斜陽晚采藥還經舊澗西

青谿漫興

朱錫綬

未必青谿勝玉泉玉泉山峻此山妍四圍淺絳樵黃  
鶴一帶平岡噪暮蟬遺蛻法琳餘古洞高踪鬼谷只  
荒煙客來莫問儀秦事巖樹縱橫別有天

蔚藍倒映碧溪深噴玉跳珠和短吟紅蓼蜻蜓秋寂  
寂綠楊魚虎晝沉沉飛泉淨滌三摩障明月孤懸五  
曲心我欲牽船依岸住蓬萊弱水嬾重尋

自入深山樹更幽傍崖照水綠迎眸短楓已著霜前  
色鼓篠偏分澗底秋一簇花開蠲忿好半林蔓引寄

遠安縣志

詩七律

七

卷八

生柔風流楊柳凋零易空惹寒天古柏愁

重巖複水寺門藏立馬斜陽問晉唐似有傳衣懷惠  
遠更無殘碣紀蕭梁畫山摩詰留詩癖嗜酒青蓮本  
楚狂終古溪流作琴語晚風還悼漢中郎

龍女祠前水一窩紆藍縈碧抱陂陀煙雲變幻山皆  
夢林翳蕭疏月有波入手楊枝叅佛近出山泉水活  
人多瓣香再向慈雲祝願滌牢愁起積疴

欲把谿山作畫圖苦無佳處試臨摹一卷忽向水光  
起列岫全教雲氣扶林隙人家添界畫溪均略約襯  
蘼蕪風前笑與山靈約擬結茅亭號巨瓠

中秋前一夕宿青谿寺翌日小雨遊山用小雲  
韻寄周柳溪學博  
盛徵琪

玉泉勝境敵平泉，紆道生憎觸熱天。  
粉本宋元都入妙，美人環燕各爭妍。  
淒迷山色雲如夢，清淺波光月  
花煙。此是高安最佳處，筍輿一路聽寒蟬。

新詩偶仿郟僧吟，一曲夤緣五曲深。  
疑有薄寒生半臂，莫教流水負初心。  
濕螢見火星將起，乾鵲無聲日  
易沉。擬傍隄邊栽碧瀉，試花時節好招尋。

自昔禪房花木幽，到門清景豁雙眸。  
未霜紅借新楓色，已雨青添苦竹秋。  
古柏三生疑有舊，女蘿半死誤

遠安縣志

詩七律

八

卷八

於柔飄零容易傷，蒲柳但對貞心便不愁。

四壁屏圍一徑藏，招提古址訪初唐。  
青山劉後埋詩骨，白社開時得酒狂。  
鬼谷煙荒輸暖谷，蕭梁碑斷歷  
朱梁。谿聲嗚咽焦桐破，中散重來哭議郎。

靈旗降兮小行窩，龍女祠開近曼陀。  
地脈有源通活水，芳心無語託微波。  
似聞農事今年熟，始信清光此  
夜多。一自聽經成道後，楊枝功德雪沉疴。

薄醉看山拄杖扶，楚材詩句輞川圖。  
夕陽在樹疑黃葉，遠水侵雲作綠蕪。  
拳石一區茅易結，眉峯十樣筆  
難撫。擘箋聊贈濂溪隱，就菊重攜惠子匏。

遊青谿洞

楊繼煥

谿出青山共一青青谿之水獨清泠到祠暫下僧人榻入洞遙追佛子經遊遍天涯隨鶴意移開泉窟有龍靈水聲淅淅樵烟起十里拖藍側耳聽  
山峯高與白雲齊回首泉流勢漸低仙乳延齡源自遠古籐滿目徑終迷懸巖鴉影猶看倒隔岸猿聲不住啼應有詩人思結屋追尋何啻瀼東西

宿龍女祠步唐明府韻

顧晉承縣尉

一灣溪水數峯青髯鬚尋源到肺冷水經注泠水出浮肺山問

課江村添畫史吟詩梵院補圖經花明野樹春爲主

遠安縣志

詩七律

九

卷八

寺占名山地有靈獨自憑欄無限意松風猶向六朝聽

青谿寺

當邑楊州彥進士

迴寺層巖六月寒芒屨踏破石磬磬僧常聽鶴閒中嘯山不嫌人靜裏看泉響入心翻寂寞鐘聲出谷料艱難名根次第渾消盡此去逢人號雪灘

贈青谿周柳溪學博

朱錫綬

野鶴閒雲總一家清如茂叔卽蓮花人餐乳穴泉宜壽詩得山靈氣自華在昔名流消苜蓿近今延攬到蒹葭我來請割閒風月迭長鷗盟住水涯

青谿寺題壁

談經正

偶逃酷暑到禪關分得山僧數日閒一壑嵐光浮面  
碧中天明月徹谿寒涼生雨氣侵階濕泉似風聲入  
夢殘曉起細鱗織可數坐臨烟火試綸竿

青谿寺納涼

李林楨

何處招涼酷暑平城南古刹愜幽情谿雲帶雨隨時  
遍泉水出山澈底清萬木叢中禪榻靜三橋石上月  
華明詩脾沁向冰壺裏更聽鐘撞夜半聲

同友人遊青谿

枝江 王永彬貢生

谿聲引我入材煙紆曲山蟠古洞天蒼石堆雲撐峭  
遠安縣志

詩七律

十

卷八

壁碧濤濺雪擁飛泉煎茶小憇清涼界問柏能知魏  
晉年矚付同人歸去早此間住久恐成仙

青谿古柏

喻慈昌

涵空翠鬱蔭僧房老幹扶疏閱晉唐黛色連天參古  
佛蒼顏歷劫飽寒霜階前影接谿雲合殿角風來柏  
子香鸛鶴久棲忘歲月人間爲問幾滄桑

青谿道中

羅應箕

危峯壁立白雲間雲去天青露翠鬢綠掛蒼藤團舊  
砦紅燒野火入荒山鐘魚徹耳遙知寺竹樹沿溪不  
記灣蠶事初過農事起人家日午掩柴關

青谿方丈小坐

去住靈山近廿年棲心未許便安禪  
龍潭氣挾峯頭雨鬼谷雲封洞裏仙  
藏影溪流今古月留春樹老漢唐  
天空門寂寞風塵苦結想誰知各境牽

青谿

喬桓之

羣峰合沓綠陰屯一縣名山此獨尊  
老嫗衝雲樵黛壑殘僧帶雨種芳園  
春風有信林花笑谿水無聲野鳥喧  
攜得蒲團鋪洞口臥觀壁上古詩痕

青谿寺

周明修

家近仙源路不迷閒邀風月共幽栖  
石稜倚樹皴千遠安縣志

詩七律

十一

卷八

疊嵐翠浮空冷一溪綠樹春交芳草岸  
丹楓秋老夕陽西畫工如寫龍眠意  
着我山窗聽鳥啼

遊青谿

官當邑教諭

涂鳳友

竺嶺

遊罷名山思悄然看山恨少買山錢  
猖狂欲哭窮途裏險阻曾嘗宦海邊  
故國人愁歌楚調仙源客憶避秦年  
巖阿清福誰消受半屬閒雲半屬禪

和涂竺嶺遊青谿山韻

官主政監利人

王柏心

子壽

題詩邱壑意超然興發看山不用錢  
舊約同盟丹嶂外清遊獨踏白雲邊  
空思塵境逃名地未卜山靈識面年  
何日隨君償夙諾捫蘿深處問安禪

遊青谿

當邑

簡德香庠生

遠峯宛轉近峯懸到眼峯環第一泉詩滿僧牆吟更好  
茶烹溪水色彌妍秀靈地合誇蓬島渾樸民宜號  
葛天倘借毘盧容我住半逃烽燧半逃禪

遊青谿洞

陳金鑾

面面峯嵐擁畫屏法琳去後洞常扃半窗雨過留苔  
綠一壑雲濃罩樹青攬勝巖前招鶴下講經戶外許  
龍聽浮榮不慕身常健贏得喬松壽百齡

送楊總戎之青谿

王殿英

書生豈必廁戎行暫護輶車到上方士卒如雲皆整

遠安縣志

詩七律

十二

卷八

肅旌旗蔽日盡飛揚援琴曲訪中郎蔡講易機參鬼  
谷王願挽青谿東去水烽烟淨洗落天狼

青谿寺呈周柳溪先生

當邑廩生

朱世燿

小松

三橋彳亍抱孤琴閒裏光陰鬢雪侵心定未妨盟白  
水家貧端不羨黃金青谿留客公爲主明月分光我  
見心世事楸枰何足問欲隨杖屨入山深

遊青谿寺

杜志學

古剎荒祠逕欲迷名山畢竟讓青谿泉流汨汨龍穿  
竇樹老森森鶴愛棲閒過三橋津自識貪看八景句  
爭攜我來試訪蕭梁事斷碣何曾有字題

龍女祠

當邑

張兆南

庠生

彷彿西池瀉混茫飛來仙女駕輕□藤蘿貼就靈巖  
畫蘭芷披成水殿香入定僧應空色相臨軒客最愛  
清涼題詩好爲丹霞祝占斷人間選佛場

當邑

劉餘慶

庠生

青琳是否說神工占定名泉更不同寺址半鋪巖足  
上禪堂全落水心中當年坐熟三橋雨此日吟生一  
壑風幸遇高僧長對飲夕陽窗外下丹楓

傅正操

幽祠探向石門西湛湛雙流瀉碧谿津間路通仙境

遠安縣志

詩七律

十二

卷八

界靈昭封荷帝標題留將明月篩花徑駐有慈雲護  
柳隄移去泉猶山下在跡同鴻爪印春泥

羅應箕

此處谿山甲玉泉荒寒奇秀少人傳青浮一壑窺天  
小碧鎖雙流劃地偏對客枯僧持半偈著花老樹閱  
千年心空梵貝參寥遠振耳龍湫少不絃

宿龍女祠晤周柳溪

喻慈昌

幾回唱和到招提酒榼吟瓢手自攜近識遠公開白  
社况逢茂叔住青谿潭心月照靈崖靜洞口泉翻亂  
石低更愛斷橋無路處竹桃陰裏竹雞啼

鬼谷洞

詹應甲

老莊之外有先生，枉被人傳道士名。  
大澤龍蛇騰卦氣，空山雷雨和經聲。  
一燈照壁心神斂，六國飛符口舌爭。  
可惜過門諸弟子，誤將奇耦認縱橫。

周維翰

巖棲不受俗塵侵，萬仞梯雲上碧岑。  
路轉陰崖懸石乳，人穿邃洞雜仙心。  
蘇張竟去山靈笑，猿鶴時來道氣深。  
我有草廬空谷外，春風把臂共幽尋。

臥雲古洞

八景之一

陳教培

妙峯飛錫下青谿，終日法琳洞裏棲。  
嶺上浮雲同臥

遠安縣志

詩七律

十四

卷八

起崖前流水，任東西蒼苔痕滿長。  
遮徑老樹根懸不着泥，怪煞聽經龍女去。  
人魚猶向夜深啼。

法琳洞

劉子垣

遊人爭向法琳洞，我亦法琳洞裏來。  
座上天花曾墜落巖邊，泉水早移開樹陰。  
晝合圍青幃石徑，秋深長綠苔臥老宗。  
風重振起瓣香，猶有未寒灰。

雲夢山

雲爲江北夢江南，澤盡山橫疊疊嵐。  
萬壑濤聲空際落，一天霽色望中含。  
青谿環繞如屏翰，紫蓋綿延若斬驂。  
滴露研朱陳跡杳，遊人幾度費追探。

登雲夢山絕頂

李逢年

雲夢巍峩勢整齊，登高翹首恨天低。  
巖松偃蹇風雲合，洞水潑洄烟霧迷。  
梅老夜聞孤鶴唳，山深時聽斷猿啼。  
揮毫不覺憑臨久，斜月依依下嶺西。

前題步韻

貢生

李元吉

謙六

崔巍直與白雲齊，俯視衆山勢盡低。  
峯頂攀蘿原可上，巖腰採藥不曾迷。  
千年陳蹟徒猿叫，一路清音只鳥啼。  
披讀殘碑歸去晚，鐘鳴古寺夕陽西。

青谿雜詠

羅應箕

洞口籐蘿一徑斑，觀心老衲幾時還。  
人來可有猿投

遠安縣志

詩七律

十五

卷八

果蛻去不須虎守關，殘月空沉安隱座。  
歸雲應戀舊癯顏，宗風浩劫殊難問。  
乘願何妨住世間，臥雲古洞護法神龍已。  
證禪遺祠畫像尚飄然，靈通百谷浮衣鉢。  
幻入三更下瀑泉，淡淡春山留翠黛。  
纖纖新月貌嬋娟，蒼茫落日喧雷雨。  
又破浮空色界天

龍女遺蹤

寒光蕩漾三橋月，素影蒼涼一鏡秋。  
始悟虛靈無住著，誰窺瀕洞了浮漚。  
空留老衲參圓相，倒湧遙天漱碧流。  
隱約妙鬢雲蕩散，中宵龍女煥珠遊。  
谿橋夜月百八蒲牢叩，夕暉遙遙遺韻響。  
依稀遏雲縹緲懸清漢，留月空明住翠微。  
絕徑風高沉鶴唳，回峯人語帶

樵歸山僧未識閒根斷不盡聲聲喚息機

烟寺晚鐘

終古雙泉流不盡仙源混混下峨眉一溪晴雪分山

勢萬里伏龍合水湄望去天空寒鬢影閒來雨過數

魚兒膏渟黛畜巖花落好是風清浪軟時

雙泉澄碧

滾滾寒濤訴不平炎天白雪一溪生潮響晴有風雷

氣石怒根翻灑瀨聲冷逼鬚眉空色相痕流清淺話

蓬瀛只憐澎湃前崖下嗚咽難消萬古情

奔濤濺雪

先生一去空山冷古洞荒荒認舊蹤石室陰沉寒白

日蘿衣屈曲挂蒼龍泉宜洗藥烹來淡蝠不驚人睡

正濃只是紅塵仙骨少蘇張復遣出雲封

鬼谷幽棲

遠安縣志

詩七律

十六

卷八

浮空蒼翠擁晴嵐望裏氤氳萬木參石徑蛇盤埋野

草松根雲去認荒庵濃陰彷彿層霄近黛色分明一

氣涵絕頂仙真殘局在烟霞想像快清談

雲夢晴嵐

喻慈昌

爲訪仙蹤覓徑行參禪人去白雲橫半崖苔篆摛文

古一帶泉聲浣石清過客爭詢當日事談經還記舊

時名手披斷碣懷陳迹頓起遊人出世情

臥雲古洞

一從龍女叩禪宗萬丈飛泉下碧峯瀑布潛移靈鷲

靜洞雲長護古苔封藤成樵棧懸空際壁掛銀虹剩

舊蹤道法至今猶未替常將霖雨濟三農

龍女遺蹤

與僧谿上話秋宵皓月橫空夜寂寥一派清光篩古  
柳千林紅葉幕山橋冰輪照澈金波碎銀漢倒涵雪  
浪搖悟到空明忘色相此時不覺萬緣消谿橋夜月  
蒲牢叩罷夕陽天聲壓谿濤傍晚傳近徹梵宮磨遠  
谷遙從霜夜度清泉僧歸流水三橋月鶴唳空山半  
壁烟若箇喚醒名利夢來參最上一乘禪烟寺晚鐘  
混混雙泉日夜鳴穿崖咽石雜經聲波心倒印連天  
碧洞口分流漱玉清兩水月沉山色淨三橋柳拂鏡  
光明偶來掬飲消詩渴便借潺湲濯素纓雙泉澄碧  
滾滾清泉瀉急湍響騰谿上走狂瀾濤聲濺石三更

遠安縣志

詩七律

十七

卷八

壯水影翻空六月寒怒挾風雷疑灑灑瀕爭看晴雪下  
溪灘潑洄長此留清淨一入渾流本色難奔濤濺雪  
六國紛爭懶繫心蕭然世外憶仙岑山頭紅日沉溪  
泠洞口白雲入座深野鶴孤鳴常對影神龍高臥未  
爲霖蘇張自是無仙骨一卷陰符誤到今鬼谷幽棲  
烟沉霧淨蕩晴朝一片嵐光混碧寥欲擬曇花園古  
寺不隨野色下谿橋青浮嶺表離還合翠點天空近  
忽遙堪笑白雲貪著相窮形極態逐風飄雪夢晴嵐

絕品茶

宋

瑞

教諭

誰識雲門別有春金芽帶露摘來新鷓山入譜香難

並鳥嘴虛名味敢倫數片漫煎消酒渴一甌輕泛沁  
詩神我來受罷山僧供兩腋清風欲奮身

石柱山吟

薛東知縣

根在乾坤未判前不施斧鑿自天然峯巔峯嶺孤擎  
月山勢嵯峨半插天冬雪凝寒排玉筍曉霞絢綵簇  
金蓮可憐臺榭常興廢惟有茲山不紀年

遊雲夢山

鄧林

十載懷遊雲夢山輕車此日到山間聽僧漫說當年  
事撫景俄成半日閒洞裏泉流龍出見巖前松偃鶴  
飛還殘碑零落文磨滅老眼摩挲認蘚斑

遠安縣志

詩七律

十八

卷八

觀音洞

貢生黃蘊奇

訪得洞天近碧霄登高游亦賦逍遙聽來鳥語如聞  
梵送到泉聲似落潮四壁慈雲生石竇頻年膏雨仰  
禾苗振衣幾度恣吟賞掛卻詩瓢換酒瓢

自省垣卻寄劉拙翁仍用留別韻

蔣樹昌知縣

拚把六經醉一生知君志不在功名師資規矩能爲  
巧謙德大夫可讓卿玉樹幸依緣忽斷芳鄰欲接願  
難成舟旋似被罡風引回首仙居擬望瀛

冬日重過鹿苑寺

談經正舉人

慙余塵土日營營落葉空山復此行總爲賤貧驅棘  
道翻從水石得幽情庭前柏子香留鉢戶外竹聲寒  
沸鐺去住茫茫覓未得細將清磬叩平生

春日遊鹿苑寺

廩貢 熊應兆 瑞堂

峯巒擁翠自西來步入鹿溪絕點埃三月地隨遲日  
暖四圍山逐曉烟開爲聽禽語攀蘿葛欲訪仙蹤掃  
蘚苔坐久更饒禪悅味松聲竹韻滿亭臺

鹿苑寺八景合詠

魯泮藻貢生

玉帶潏洄繞碧流天開一幅錦屏幽溪邊竹葉雲垂  
幙亭畔松蘿月挂鈎石柱果然干氣象華臺那復記

遠安縣志

詩七律

十九 卷八

春秋峯前坐擁阿羅漢笑向招仙日點頭

春日懷鹿苑

陳教培 庠生

半壁烟蘿屢夢吾寺中風景未模糊留賓榻設清涼  
界獻佛花開富貴圖山上人隨天共小溪邊僧與月  
同孤雲門春到饒佳興詩句籠紗問有無

遊鹿苑寺

翟廷魁 庠生

亂雲堆裏石門開爲訪幽棲載酒來貼地溪流殘月  
冷摩天壁障晚風回荒亭剩瓦埋秋草古寺豐碑篆  
綠苔嘹唳一聲仙鶴到蒼烟合處淨塵埃

鹿溪小隱圖

縣尉 錢康祖

官拙深慚俗未刪，頻年空負好溪山。  
振衣鳴鳳青千疊，濯足臨沮綠一灣。  
聽雨豪情今異昔，乘風弱羽倦思還。  
披圖自問誠何補，贏得頭顱取次斑。

廿年江漢似乘槎，清俸傾囊付酒家。  
剩有癡騃無可賣，偶逢山水便停車。  
曾經南國浮滄海，尚欲東籬種菊花。  
到處雪鴻歸未得，故鄉遙望隔天涯。

捧檄於今春復春，山靈招手笑官貧。  
謀生本自如鳩拙，作吏難求似蠖伸。  
同輩幾人登顯要，吾儕何處問迷津。  
煙霞痼疾林泉癖，只合投閒託隱淪。

琴書風月癖宜刪，况復耽幽性愛山。  
賤子偶來沮水遠，安縣志

詩七律

二十

卷八

曲舊交爲寫鹿溪灣，此邦洵美非吾土。  
故國能歸待我還，小隱圖成堪壽世。  
不須惆悵鬢痕斑。

### 絕品茶

劉爲鰲

貢生

品在旗槍龍井上，名傳石柱鹿溪間。  
春風掇訂無雙譜，穀雨收從第一山。  
陸羽專經猶未載，盧仝七椀最相關。  
飲酣睡味連宵破，會見侯封不夜頒。

### 登鳳山

楊瑯樹

千仞峯頭坐曙輝，遠山煙樹望霏微。  
倚天嘯罷空彈劍，去國歸來始振衣。  
石壑有泉龍尚在，仙巒無竹鳳何依。  
當年景物今安在，滿眼浮雲帶鳥飛。

頌周父師德政

孫詒增生

才堪治亂古今難善政酌施猛與寬去暴應如去莠  
盡勸農祇是勸民安鐸申六諭吹仁藹風動八鄉顧  
影寒城社不知何以淨珠明東海燦金盤

頌周父師下車課士

李本先明經

十年虎帳縷征裘文社浮沉笑海鷗詞翰喜親陶令  
案圖書還載米家舟爨材石室邀榮遇駿骨金臺賴  
遠收繩甕應知勤問字龍門早已別薰蕕

周父師新春

張千英庠生

東風散入霞城天細草霏霏承舊年素榻幾回閒蝶  
遠安縣志  
詩七律  
二十一  
卷八  
夢喬株此日聽鶯遷森森柳色縈芳佩馥馥梅花度  
曉烟最喜蘭階愛日近春暉有意照青漣

庚子秋旱安父師禱雨有應

游應升庠生

西疇枯稿殊憔悴霖雨隨車沛澤溶十里龜田潤藻  
色一城蛙沼浴花容隨風似縠籠平野逐霧如絲過  
遠峯自是陽春原有脚甘棠幾處快陰濃

三月三日登鳴鳳山

向儒道貢生

三月山城花亂開同人攜我上仙臺凝眸遠覽乾坤  
小索筆分題雅頌來紅樹枝頭懸日影碧沙洞裏隔  
塵埃徘徊不盡登臨趣回首東風一快哉

秋日登鳴鳳山

姜開齊

雲滿秋山老石苔登臨恰喜曉晴開  
丹楓遍野千村絡碧幃連溪萬壑迴  
心徹閣同明月對身輕人似御風來  
凌虛嘯發琳宮下樸鼻香生茗一杯

登鳴鳳山

教諭

楊繼煥

結伴登山聽鳳鳴道人含笑下階迎  
人過八秩如童子鳳去千秋有令名  
樓閣半空風鼓盪徑途一線草縱橫  
伊誰早遂歸田願玩月看雲了此生

鳴鳳山

縣尉

劉用達

重關當日扼山城鳳岫參差雉堞橫  
屯難避懷侯令

遠安縣志

詩七律

二十二

卷八

尹鼎新兆企宋昇平灾禳元帝無  
炎火防設遠洋有鎮兵縣治屢遷  
何處問夕陽回影照東坪

登鳴鳳山

羅應箕

疊巘重巒綺落霞孤峯聳翠勢  
嵯岬烟橫谷口千盤合路入山腰  
一綆斜採藥何年逢石菌驂龍有  
客覓仙槎懸崖撒手殊奇絕坐對  
危樓且品茶

九日偕學師登鳴鳳山

王殿英

龍山遼遠鳳山崇挈伴登高我與  
同芳擷黃花將進酒跡探丹穴試  
凌空談經糕字方疑僻作賦菲才  
不自雄亦步亦趨師範在秋來也  
似坐春風

鳴鳳山

熊汝鈺

庠生

寶祐鼎新四海平  
西山一帶鳳皇鳴  
前朝代謝餘陳蹟  
我輩登臨感盛名  
杉樹峯高雲亂起  
馬鬃嶺仄日孤擎  
何堪安遠樓邊望  
滿目荒烟沒舊城

九日登鳴鳳山

黃錫齡

庠生

登臨誰不羨  
名山冒雨乘風共  
仰攀此地曾傳丹鳳去  
遊人空對白雲閒  
平原城市江帆外  
幽壑樓臺水石間  
四顧蒼茫飛逸興  
黃花節後一開顏

過李石帆釣磯

喻慈昌

夢醒宦海謝朝衣  
錦浪園中好息機  
鱸膾竟如張翰遠  
安縣志  
詩七律  
二十三  
卷八  
願溪山卽是子陵磯  
一竿風月隨緣度  
半壑烟波與世違  
遊客閒尋垂釣處  
嘯岡亂石想依依

烟霞洞口竟日

踏遍荒蹊訪洞天  
霞燃碧澗映清泉  
撐雲古樹交枝茂  
疊翠層峯到眼妍  
蘿掛危巖飛冷溜  
草生石竈煮寒烟  
煉丹道士歸何處  
想入非非我欲仙

福河寺

江陵令

李邦佐

卓錫何年住妙峯  
白雲深處縹仙蹤  
黃金勅賜山中額  
玉露香凝石上松  
五夜聽經牕有鶴  
六時說法鉢降龍  
別來無限相思夢  
怪殺寒山月下鐘

福河道中

談經正

萬山秋色照人行一葉丹楓劃影明流水聲中伴語  
亂平沙道上馬蹄輕蒼松未識年光暮衰柳猶懷時  
序榮古寺向來經賞處不知雲物幾回更

宿福河寺

我欲偕僧着衲衣寒岩枯木兩忘機山中水落溪聲  
瘦松際雲來嶺色肥挹酒爲神興落落剪秋得句情  
依依滄洲有約從吾好竹杖芒鞋願不違

郭中元 武庠

爲愛幽閒客妙峯穹碑蕭寺列重重前朝勅賜餘陳

遠安縣志

詩七律

二十四

卷八

蹟老衲燈傳有正宗花徑屐痕紅印蘚雲巖濤韻翠  
迷松夜來深省憑何發皎月新殘數杵鐘

過福河寺

李甲煊

壯歲東征過佛堂書生仗劍起寒光禪房下榻塵遊  
躅粉壁題詩吐繡腸繫馬松枝應更老留人桂樹可  
還香悠悠三十年前事話到滄桑半渺茫

同王子青慶壽寺納涼

呼朋何處好招涼一路尋幽入上方禪寂迎薰非有  
閣院深避暑可爲莊學仙酒喜王宏醉對客詩慚李  
白狂鐘後僧猶馨夕膳紗籠莫漫說題牆

九日同郭克振登文經山二首 談經正

與山題字榜文經更續叅軍舊典型菊酒傳時眼自  
白天風吹處鬢誰青嶺如靜客環相對水似流年瀉  
未停摘得茱萸分別坐師生少長兩忘形

平原搖落柘桑寒攜手峯頭得縱觀碧巘如城烟火  
接黃雲列繡黍禾團東籬斗酒懷元亮秋水長天愛  
子安武緯山前亂石渡明年此日又追歡

寶華寺

萬派嵐深祗樹前幽尋恍似挾飛仙奔雷浪湧晴堆  
雪挂日峯寒峭割天碧巘低垂半壑雨青巒淡抹一  
遠安縣志

詩七律

二十五

卷八

痕烟花源咫尺人踪遠惟有閒雲時往還

傅正操

半壑晴嵐翠欲浮到來誰不羨清幽瀑侵樓閣晴疑  
雨月挂藤蘿夏似秋梵宇年深存斷碣祗園兵後剩  
荒坵老僧執手殷勤問泡影回頭悟也不

登太平山

談經正

絕頂平天萬派青沮江一線破雲汀烟村厯落排沙  
鴈邱壑微茫疊浪萍蜀道連山歸指掌荆湖千里在  
門庭忽思高舉尋真契欲喚飛仙借羽翎

太平山

貢生 劉玉選 掄青

遙望峯巒西北橫，白雲深處有蓬瀛。  
三千五百丈量影，七萬二千步紀程。  
鐵瓦殿登天若近，結庵門啟雨初晴。  
邇來嘯聚無宵小，古寺半山額太平。

登百井山

貢生 杜志學 敏之

縹緲峯高百仞間，回頭一覽小羣山。  
石盤界劃仙棋局，鐵瓦痕留古蘚斑。  
爲訪殘碑穿曲徑，偶逢野老話禪關。  
行行更欲攀巖上，坐看烟雲四面環。

果然百井不虛傳，踏過一泉又一泉。  
陰雨常占三日霧，晨曦先照五更天。  
荒唐舊事憑誰問，頽廢遺基動客憐。  
安得山靈終不昧，重教香火續前緣。

遠安縣志

詩七律

二十六

卷八

仙女洞

楊瑯樹

仙女驂鸞何處去，仙巖空自倚雲開。  
半山樹影寒成雨，一洞桃花老作苔。  
碧草恍留裙帶在，香風疑送佩環來。  
徘徊石上勞惆悵，九子溪頭人未回。

登三台山

姜開齊

撩衣撥草上層台，縷縷情懷莫浪猜。  
烈士暮時猶似昔，壯心熄處未成灰。  
清流遠逐三江瀉，邃嶺幽同五嶽開。  
差有高人真見解，獨搔華髮一徘徊。

石橋坪

談經正

雲迴霞舉萬峯連，一壑鳴泉一壑烟。  
駭浪排溪走白

雪長風吹壁立青天寒深家白衣松火歲儉人猶饜  
石田不是蠶叢闢往徑桑麻應共武陵傳

### 宿龍洞庵

泉聲脈脈故相催海勢江濤入夢猜誰駕石梁承佛  
刹我從流水想琴臺洪鐘韻度雲門去老樹青迷洞  
口來烟靄前山渾似幕憑君清句數行開

### 上十八灣

沿溪百渡溯潺湲徑逼危巖空翠懸絕巘只疑源盡  
處穿林忽有路登天足經鳥道前翻却在羊腸往  
復還更是石橋橫絕壁凌虛恍擬挾飛仙

### 遠安縣志

詩七律

二十七

卷八

### 春日晚過茅坪卽事

青青麥隴淡含烟笑樹桃花嬌欲然薄暮牛羊喧野  
渡比鄰雞犬認桑田流鶯細語開村酌春葑新炊佐  
客筵景物親人風土樸山翁靜話羲皇年

### 自茅泥出九子溪

桑麻如繡自成村萬嶺重圍闢一門夾岸飛岑鉗碧  
落排溪寒水鋸雲根千年洞壑仍無恙九子姓名已  
不存嶺上白雲攜未得衣裾但染紫泥痕

### 定林寺書壁

傅日照 庠生

烟雲深處隱紅牆中有開元舊講堂剝落塵封金佛

相離奇樹蔭石禪床蓮燈寂滅曇花靜草徑縱橫夜  
月涼一片殘碑成沒字秋風落日感滄桑

秋日偕友人過黃泥岡間眺

許永山 庠生

同人緩步當車安並立高岡放眼寬俯瞰沮流催雪  
浪回瞻鳳嶺擁雲巒霜侵楓葉千林晚風捲松濤萬  
壑寒景物好詩皆可入諸君莫作漫遊看

再過泉水庵和了悟和尚

傅青藜

吟風嘯月記當年躡屐重來謁洞天榻落松花春未  
老壁籠詩草字猶鮮脫離塵網方爲智畫破爐灰不  
是禪到此六根皆欲淨蒲團坐處聽流泉

遠安縣志

詩七律

二十八

卷八

泥水洞

望君獻

庠生

石竅玲瓏透碧流滔滔洗盡古今愁汗泥不染泉中  
水岩洞應蟠地下虯春入桃花千樹笑雨過草色一  
灣浮杖藜訪得仙源跡歸去前溪月滿頭

陳國恪

路轉山坳更上躋遙遙古洞半峯西石巖有罅泉爭  
湧蝙蝠無巢翅倒棲舉步纔穿仙窟竄回頭欲問渚  
宮低傳聞水自漳溪至陰雨經旬濁似泥

陳文藻

洞口開張掛碧空潭穿洞裏恰當中石根下插將千

尺風磴旁懸祗半弓足踏峭巖登鬼谷手捫絕壁看  
蛟宮怪來山骨驚分裂峽底潛流一片通

月夜由南樓至太平橋

李林禎

遊罷南樓未肯旋月明三五夜初圓光疑玉宇飛來  
鏡品似瓊樓降下仙抱閣迴溪流別澗環橋古木冪  
輕烟太平樂地真如意興極吟歸帶醉眠

春日獨遊如意橋

晴開春日正清和隨意橋邊偶一過霧擁高林如列  
幃風吹細麥欲生波耘耔期到農人喜絃管聲傳野  
鳥歌莫向石磯西畔望年來只是獨遊多

遠安縣志

詩七律

二十九

卷八

九日登塔山

盤空百磴陟層臺佳會欣逢曙色開疊幃紛紛皆北  
向孤帆隱隱自西來凌虛儘有飛仙訣乘興詎無作  
賦才拚醉萸樽今日酒遙吟俯唱盡餘杯

過羅漢峪

漢川

陳相滙

職員

偶向蠶叢徑裏遊壑長卅里境清幽千重樹影排山  
出三股泉聲掛壁流嶺上雲生常滿眼天邊日到恰  
當頭引人步步好詩入攜得客囊一路收

遊香泉巖贈南池昆仲

舉人

周汝珩

石卿

避俗人來此習經林巖深處豁心靈文章訣向峯頭

悟書史聲從月下聽  
揀得新詩嵌石壁  
頻來舊雨上雲亭  
夜間疑有藜光照  
瞥見芸窗字字青

簡子水石居

陳教壘

貢生

崎嶇谿路不容車  
中有高人舊隱居  
門外山皴千疊石  
窗前溪瀉一條渠  
春花艷發屏圍錦  
秋水清沉穴出魚  
松頂更巢雲裏鶴  
幾聲長唳徹空虛

徐金臺

庠生

水繞石間別有天  
幽居此際淡塵緣  
詩吟松牖人無俗  
酒酌琴亭地是仙  
紅杏亂飛三月雨  
綠楊深鎖一溪煙  
莫云山麓空陳迹  
布置於今尚宛然

遠安縣志

詩七律

三十

卷八

覃作睿

庠生

峯巒競秀壑爭流  
不到幽溪不見幽  
入室周遭方若斗  
臨溪結搆小於舟  
靜聽泉韻無塵擾  
飽看山光勝卧遊  
過客何須頻問訊  
高人住此幾春秋

龍華觀

楊玉成

貢生

巋然一柱倚雲隈  
我愛名山著屐來  
嵐氣經風飄欲起  
烟痕鎮日捲難開  
探書如到娉嬛境  
遊客多爲俊逸才  
福地幾生修始到  
盤桓借作小蓬萊

覃鯤化

庠生

黃冠果孰會龍華  
古觀留經幾歲差  
雨蝕穹碑成沒

字春回老樹現曇花無關世事鍾聲靜將露禪機塔  
語譁前度種桃人不見名山多占是僧家

### 魚泉洞

西來汨汨勢潏紆洞口金鱗狀若鱸水到成渠鳴漱  
玉波回作浪媚懷珠流膏幾處滋香稻吹沫一灣長  
石蒲聽說眉山分派遠溯源直欲問三蘇

### 羅漢洞

覃應桂

庠生

陰陰洞啟蔚藍天羅漢跣趺擬坐禪風送殘聲疑梵  
響雲浮餘氣認爐烟嵯峨石壁誰通路開闢巖扉不  
計年靜夜依稀聞暮鼓欲聾雙耳斷塵緣

### 遠安縣志

詩七律

三十一

卷八

### 九日偕友人登迴龍觀

楊文燄

庠生

結伴登高紀勝遊烟光凝紫暮山秋日移峯影東西  
峙水送泉聲左右流古寺雲深真僻靜茂林霜淺最  
清幽茱萸遍插羣英會晏罷歸來月一鉤

### 臨沮演武場

徐汝驊

廩生

數家烟火接蒼茫舊是臨沮演武場百步昔曾聞鼓  
角一村今已感滄桑城遷誰問高低堞廢猶呼前  
後倉欲向郊原尋往跡青山回首半斜陽

### 羅漢峪口尋花柳園故址

陳煥新

庠生

百年世事幾回更金谷坵墟尚有名古柳又依新院

落閒花未斷舊根莖紅樓綺閣關心說蔓草荒烟滿  
目生欲問主人無姓字憐他土木枉經營

謁宋公祠

楊臨春

庠生

藹然風度宛如生留有千秋不朽名曠野通渠稱沃  
野土城陶甓似金城萬家士女呼爲佛百里馨香感  
以誠我與鄉人同一拜思公安得見於羹

扃試文童得前列十人陳生文芳尤爲翹秀因

作七律四首示之並以勉諸生焉

唐方耀

四月南薰拂水隈轡車初下正掄才喜看下吏飛符

遠安縣志

詩七律

三十二

卷八

去旋見羣英橐筆來

四月念二到任正值前縣趙雲

舊交卸多有歸家者急出

榜招覆旋見源源而來 幾樹碧搖梧影合滿堂香

動墨花開自慚學殖多荒落珍重梗楠楚有材

蜀江東下水蒼茫南郡風流憶漢唐况復沮漳爲楚

望至今科第重韓當

元時人

武城久沐絃歌澤

趙公

題爲于之

武城一句之 文士從登翰墨場四十七人爭奏雅仙音

眞見詠霓裳

末覆取四十八人一名未到詩

玉樹臨風十七餘陳琳風格問疇如

陳生文芳年十

文卽超出

不因材大能爲檄誰信家貧好讀書

諸童

皆佳而有筆書

雁鼎豈緣求可售

峻有絕之並取出示嚴者

佳禁招搖撞騙等弊乃得驪珠今喜得非虛木天簪筆

他年事早有光騰翼軫墟

十年鄂北宦遊勞今日臨沮得士豪自笑吏才輸畢

遜元時人知縣敢云文教步韋臯唐時人來集後贈美政鳳

祠邑人之立寒窗休訝然藜苦仙窟從看折桂高此後人

才爭誰起新聲齊奏鬱輪袍

賀李峙亭明經舉鄉飲賓

陳若疇知縣

昔年德望應賓興鄉飲西階列豆登窮後工詩梅聖  
俞老來作字李陽冰三篇策就才無愧二子名成福  
有徵司土欲求文獻備拳拳顧問得師承

遠安縣志

詩七律

三十三

卷八

祝李峙亭明經望八壽

近復吟哦興自饒後車滿擬載今朝天生日角宜稱  
壽我願龍鱗總不凋有老詩人斟律細得先鄉達挽  
時澆等身著作年俱富猶信蘇韓似海潮

耄耄尤於好學宜典型在望可言詩溯當太白論文  
日正是陽明作尉時閱世祗緣生我晚居邦已覺見  
君遲留心學古人難到韓孟雲龍志與期

疊前韻留別李峙亭明經

詞章溯自漢中興潔淨彘罇遜瓦登學淺位除三字  
椽官清銜署一條冰痴愚固可安王湛嫵媚何能效

魏徵我去有人來替代斯文宗派望相承

留別士民

劉鴻庚 知縣

劉寵何心選一錢樵蘇爭藝辦香虔玉壺謬荷聲名著錦幃重煩姓氏聯豹處霧中原小隱鴻飛雪裏有前緣山鄉風氣猶敦古樽酒徘徊餞別筵

和劉占五喜雪韻

顧羹梅 知縣

認是珠塵散洛妃隨風飄灑逼簾幃白宜隴麥雙歧兆紅點庭梅六出霏瓊砌天寒蟲不語玉山徑冷鳥難飛閉門雖學袁安臥猶念茅檐凍與飢

贈李峻亭茂才

蔣樹昌 知縣

遠安縣志

詩七律

三十四

卷八

古人不盡達而賢稷契巢由各任天我爲浮名甘外吏君緣何福享高年詩書趣味閒中領花草謳吟醉裏編樂得一身歸放浪茶爐藥鼎自烹煎

少卿墓

周學清 廩生

分職六官有少堂何人曾此荷榮光名山難問千秋業孤塚空留二字香宅廢尚書猶識賈墓存果老更呼張可憐兵燹重經後不見殘碑臥夕陽

楊貞女墓

李林禎

隴上陰雲接大荒墓門祭罷漫增傷貞操尚凜冰霜氣精魄應依日月光白骨雖枯名自在綠尊一奠憾

猶長誰憐孤塚春城外習習東風扇夕陽

馬頭河弔熊公占元

陳揚芳廩生

背水陣開苦戰攻瀟瀟荒壘動悲風青衿堪作干城  
倚白髮能當虎豹雄臨難同心無去志捐生一死見  
精忠光爭邑乘勞搜採差慰當年報 國衷

誄聶節婦望氏殉夫詞

黃正岳庠生

好合夫妻比翼鷗偶然不比奮飛艱良人自願眉齊  
孟中道誰知命短顏誓設五虞將赴約期周一月忽  
投繯甘心從死歸泉壤完節長留宇宙間

送傅拙齋大令扶母柩還里

周明修廩生

遠安縣志

詩七律

三十五

卷八

靈輻載道促歸程琴鶴蕭然出渭城但有一哀爲孝  
子更無餘事見門生山陰縱入他年夢河上難爲此  
日情料得輕舟扳不住送公約遍舊詩盟

留趙晉齋邑侯

周維翰

亭堠遙傳賈鄭賢隨車只帶舊蒲鞭明分牙角如懸  
鏡窮到塵魚不要錢縱有頑民皆感悟更無奸吏敢  
因緣祝公安吉留公住長作山中百里天

題顧邑侯策騎夜巡圖

喻承禋

征雲冉冉夜漫漫雪劍霜駒絳燭寒百里烽烟迷皓  
月一腔忠胆壓金鞍聽殘刁斗聲猶壯踏遍沙場血

未乾他日應登麟閣上等閑休作畫圖看

輓前司訓族弟醇

劉子垣

同譜諸昆最少年驚人才氣壓青蓮快心儘可消金  
穴捷足未由到木天桂苑秋風余落後杏壇沮水弟  
開先而今化鶴歸何處一讀雲章一涕漣

賀梁明府新建書院落成

龍頭屬老溯淵源牛耳主盟篤本根人爵得難天爵  
棄琴堂化在講堂存梧桐秋月籠雕檻桃李春風欸  
戟門君子愛人緣學道觀風山城從此奉高軒

春日遊壽隆寺

王殿英

遠安縣志

詩七律

三十六

卷八

結伴尋春上講堂紅塵飛不到簷房三尊鐵佛緣誰  
古四壁山雲笑我忙貝葉翻時龍樹老天花墜處法  
幢香竭來悟得三摩諦蠟抱高槐午夢長

邑南橋古柳數百年物也今春兵燹後諸無賴

遂施斧斤焉感而賦此

拔貢

李時彥

偉堂

承恩原不異靈和偏遇紅羊浩劫多甘露一盂誰活  
爾落花三月我憐佗顛狂不復隨飛絮戕賊何堪詠  
伐柯一縷情絲今已斷可憐辜負好鶯梭

盼到東風葉未新樓頭殘月倍傷情春深灞岸無消  
息客去章臺少送迎青眼空餘陶令宅黃金銷盡亞

夫營應教史策書年月大樹將軍竟殉城  
數聲羌笛暗魂銷斷雨零煙夢六橋麋樣誰知遭俗  
妬馬蹏無復向人驕已教爨下同焦尾不再風前笑  
折腰莫問漢家溫室種不堪回首是今朝  
千古同傳九烈神劫灰偏失本來真高枝曾荷東皇  
寵曲路誰尋漢苑春爲爾登樓空有夢望君彈指豈  
無人風流張緒關情甚萍絮還留未了因

二月侍安父師遊鬼谷洞

陳大年

碧水源西山徑開引人勝地更紆回尋溪疑是捕魚  
入泝谷渾同採藥來樹立山頭迎皂蓋花粘屐齒印  
遠安縣志

詩七律

三十七

卷八

蒼苔當年二士豈輕壽羞傍喬松隱異才

安遠樓

楊嘉桂庠生

高樓列峙聳雲端山勢崔巍水勢湍乘月豈同庾亮  
興臨風常憶韋公歡西看氛盡遠豺虎東望祥開來  
鳳鸞莫道巉巖山邑小全荆相賴與同安

蓮臺

張垣維

廩生

溪流如帶繞城邊石上鑿池愛種蓮偃蓋常懸夏日  
永翠房每逐秋風圓香迎君子味偏淡花伴高人色  
更鮮謾想當年周茂叔賞心豈獨在顏妍

朝闕樓

游應捷庠生

丹山如畫錦屏開水閣無塵絕世埃北望雲深鳳闕  
遠西瞻氛散虎邱嵬常思毓俊積書志還憶登高獻  
賦才最愛倚闌香氣馥荷花數朶聚蓮臺

朝闕樓

李觀生

庠生

登高身踞白雲隈萬里風生靜九垓頻倚南樓懷  
聖哲謾開東閣禮賢才水流似帶窗前繞山列如螺  
戶外堆更喜蓮臺花色艷清香時送入簾來

喜雨

朱錫綬

知縣

丁巳季夏攝篆高安會秋早民艱播種遂以  
八月望禱雨於青谿之龍女祠是夕雨翌日  
又雨車迴而雨止民以爲未足也越七日望  
山默禱乃大雨三日吏民相慶紀之以詩

遠安縣志

詩七律

三十八

卷八

山田瘠薄水泉乾况值秋陽播種難一雨高原三日  
足連宵涼夢五更安論功已願歸神女頌德能無愧  
好官最是煙蓑村舍景朝來贏得倚欄看  
當門楊柳綠垂垂兀坐秋窗有所思鄰舍築墻翁莫  
問桑陰徹土鳥先知洗兵及早消螢燄雨粟猶能救  
雀飢但得沾濡晴便好漫教苦雨賦潘尼

過南樓舊址懷張曲江

蕭德醅

廩生

登臨幾輩奉冠裳長史風流在一方東晉遷來山邑  
小南樓賦罷雅歌長沮江今日仍流水城郭前朝半  
夕陽覽古我從亭子過言懷空憶舊詩章

藍田洞

徐鴻元

庠性

藍田種玉未緣慳洞府開張窈窕間  
泉發遠聞流水下巖垂時見白雲還  
天生美婦空存願夜獵將軍久賦間  
贏得龍湫長不舍年年有澤被人寰

遊鹿苑寺

貢生

張珏

不借雙登到此間溪橋渡處水潺湲  
毬拋日月青獅嶺鼻卷風雲白象山  
着腳法和長沒沒點頭羅漢自間間  
我來欲問招仙事前路斜陽一片殷

將軍砦

孫國榮

庠生

寨上將軍去弗留巍然一柱傍  
沮流旌旗雲擁青龍遠安縣志

詩七律

三十九

卷八

嘴畫角風生白虎頭號令如山長不改  
郵傳似水遠能週此間烽火真堪避  
專闡威名控上遊

謁宋公祠

談必願

神君遺愛比甘棠鑄入穹碑字字詳  
渠繞三鄉追鄭白城環七里鞏金湯  
當年撫字勞心久此日膏腴被澤長  
遺像真堪生佛奉聊陳俎豆薦馨香

詠瀘溪寺雙桂

廩生

楊文燄

散步祗園興最饒階前雙桂聳青霄  
交垂金粟仙盤落互發天香梵宇飄  
兄弟花聯前院好鷓雄竹伴隔牆招  
誰云碧玉枝連理不作龍蟠柱兩條

楊朝瑞 庠生

一枝重占列堂東，八樹兩移到梵宮。  
金粟交柯環左右，木樨連理溷雌雄。  
分行香散蟠龍下，對峙露零警鶴中。  
莫羨燕山曾植五，慈雲雙護倍青葱。

水環似帶

瀘溪八景之一

楊一枝

庠生

幾人如帶誓黃河，古寺溪環亦足多。  
碧逐灣灣流水轉，青隨曲曲遠山拖。  
圍來渾似公西束，聽去兼饒孺子歌。  
澗谷孰如幽邃好，潑洄氣本抱中和。

遊觀音洞

邑侯

方素恬

嫩柳參參罨畫橋，看山不惜馬蹄遙。  
千層石磴排青嶂，一綫銀濤下碧霄。  
繞樹曇雲迷古洞，盈階靈草吐新苗。  
老僧似解游人意，自摘園蔬佐酒瓢。

遠安縣志

詩七律

四十

卷八

嶂一綫銀濤下，碧霄繞樹曇雲迷。  
古洞盈階靈草吐，新苗老僧似解游人意。  
自摘園蔬佐酒瓢。

和方父師遊觀音洞原韻

竹谿訓導

劉玉選

間來聯步度溪橋，深入雲山不覺遙。  
石徑盤旅通峭壁，梵音清朗澈重霄。  
烟凝半嶺觀音柳，雨潤中田召伯苗。  
好景一徑循吏眼，便成雅頌助詩瓢。

春日登鳴鳳山

陳東生

庠生

駐馬新城思豁然，仙峯一筆倒書天。  
水胎花色清山脚，雲擁鐘聲出岫巔。  
亭月團團懸玉鏡，沼香馥馥種金蓮。  
丹梯踏盡頻回首，落日煙霞萬壑連。

遊觀音洞

李逢年

庠生

雲霧蒸騰一石山層巒疊起擁千般水流瀑布龍潛  
久路繞盤螺馬畏還空色兩忘深谷裡慈祥多出絕  
峯間奇情妙景真難繪洗盡塵氛是聖顏

遊玉泉寺

遙從天半數名寰惟有玉泉第一山馬踏珍珠龍半  
臥塔橫樓閣鳥飛還大開寶殿招僧隱廣誘沙彌入  
善班烟霧騰騰盤絕頂何人不道是仙顏

遊鹿苑寺

李逢盛

庠生

古寺傍山山四圍泉流洗耳盡清徽招仙洞外點羅  
遠安縣志

詩七律

四十一

卷八

漢苦竹谿幽望鹿歸獅象生來常拜佛臺屏長設不  
關扉苑中勝境供欣賞何計斜陽落晚暉

重遊寶華寺

曹秀林

庠生

二十餘年我又來江楓半落嶺梅開四圍僧舍連雲  
起一帶人家傍水隈塵世奔勞慚我拙佛田廣置待  
誰裁名山便是神仙路况有文章列上臺

隨朱父師遊雲門

曹潤之

庠生

望裏烟霞物態殊溪重水複路盤紆深山木落人同  
瘦古寺禪荒鳥自呼道味能參欣侍燕鄉心誰惹頓  
思鱸無邊風月多清淨好把雲門作畫圖

青谿懷古

曹雨田

庠生

訪道如逢周漢代流風空憶晉唐時  
經談惠遠希傳鉢路錯儀秦枉倍師  
逸興閒斟花下酒新思喜賦畫中詩  
溪聲欲爲司徒訴五曲鳴琴不勝悲

重遊寶華寺

王大禧

職員

又過叢林拜講堂紅塵飛不到禪房  
雲山似舊環三面僧舍重新列兩廊  
貝葉翻成經已古鑪灰撥盡芋猶香  
何緣受得清閑福天上人閒共一鄉

詠瀘溪寺八景

楊繼溥

庠生

玉帶潈洄繞梵宮天開一幅錦屏風  
荆枝競秀環階遠安縣志

詩七律

四十二

卷八

下桂樹聯芳護院中虎踞山巔威自壯  
龍蟠嶺上勢何雄祇園松柏青青在  
固蒂深根插碧空

鹿苑咏花王

陳教墀

庠生

不爭國色與天香眾卉推尊位晉王  
芍藥當階供使令梅花入閣贊陰陽  
青蓮學士文詞麗大樹將軍武備強  
更喜桃花開縣縣乾坤一片錦霞光

花縣

河陽遍種碧桃鮮百里春光別有天  
片片丹霞來陌上紛紛紅雨落邨前  
尋芳興致惟詩酒得意人家盡管絃  
爲問風流潘邑宰催科可取賣花錢

清風亭看風

楊映川

庠生

江天無際碧波寒  
朗朗風光最可觀  
簾角自颺驚戶  
啓燭心未盡  
覺膏殘  
涼生竹徑  
千竿舞  
雨過薇墻半  
院乾不待乎  
童花已埽  
黃埃揮去又漫漫

明月閣聽月

喻承綱

廩生

瓊樓漏滴夜三更  
忽聽嫦娥笑語聲  
玉珮鏘鏘來藥  
院  
冰輪轆轤上蓬瀛  
霓裳樂奏歌喉妙  
金粟香飄斧  
韻清何處敲鐘傳  
吉報蟾宮唱出榜中名

烟霞洞餐霞

熊汝鈺

增生

雲中烟景可療饑  
領取丹霞一味肥  
直與飲泉虹並  
遠安縣志  
詩七律  
四十三  
卷八  
舉何來爭食鶩  
齊飛光明世界人  
知飽錦繡衷腸夜  
有輝綺散采成吞  
吐妙臨風咳唾落  
珠璣

雲棲菴登雲

李登瀛增生

雲梯步步接虛清  
歷盡層巒更上行  
始信天衢真有  
路偶經海市轉  
嫌平芒鞋穩陟  
奇峰頂蕪句高  
題太極楹不道  
此番空手去  
回來取得綺羅明

詠瀘溪寺

迴文

劉榮甲

廩生

霞烟鎖處一磻溪  
水護山深剝路迷  
斜徑曲尋芳嶺  
北曉嵐晴對畫橋  
西槎乘釣叟  
漁村近澗響  
流泉石眼低  
嘉植桂香秋發  
早攀花仰月步  
雲梯

遊鳴鳳山

知縣 鄭燁林 介眉

層巒高聳出雲巔莫道蓬萊別有天上挹星河千點  
露下凌城郭萬家烟人登峻極靈霄近神在虛空寶  
像懸忽憶西岐鳴鳳後化行南國幾經年

遊鳴鳳山

廩生 穆賡颺

聞說岐山鳳有聲何緣此地亦來鳴試從今日間探  
勝便覺當年快得名極目烟霞同燦爛盈懷風月並  
澄清登臨憑吊千秋事無限幽思寄管城

其二

仙峯勝境倍超然疊嶂千尋直聳天紆曲清泉環嶺

遠安縣志

詩七律

四十四

卷八

側巍峩華蓋罩峯巔叅禪那覺真詮妙觀化伏思吏  
治賢此日高人憑眺望登臺撫景幾流連

前題原韻

岐山別後久停聲靈鳥何年向爾鳴屢望仙巖尋勝  
跡細披邑乘識嘉名危峯高聳塵中秀泉水環流眼  
底清億萬生民全賴此至今猶聽話新城

其二

城西有地倍幽然山勢始毫倒插天路入烟霞盈洞  
口亭名風月掛巖巔營樓建闕徵前事鑿石栽花憶  
昔賢試向仙峯遊勝境無窮故蹟費流連

藝文詩

七言絕句

龍女祠

明 楊瑯樹 布衣

龍宮仙子遠逃禪聽法曾移  
聒耳泉未斷巫山行雨  
夢依旬仍有澤敷天

其二

一從獻食禮瞿曇螺髻鮫裙半染嵐  
家在岷峨歸也未遺祠常傍臥雲菴

登魯姑洞感賦

明 張斗樞 吏部

倦來小試登山脚古柏蒼蒼蔭欲移  
興到不須頻索

遠安縣志

詩七絕

一

卷八

筆碧紗換盡幾人詩

陶庵

簡 惺 庠生

幾疊溪山圖畫開奇花古木映茅齋  
瑤琴彈罷香烟靄坐看青雲天外來

青谿有感

田 登 僉憲

禪房清碧枕驚濤秋盡天空萬木號  
吟罷晚鐘歸鳥寂一輪明月四山高

贈儒醫鄭仲極介耆有感

安可願 知縣

愁心讒口繞餘生終日參苓計未成  
肘後方從君處得無官自古一身輕

濂溪小島

黃維清 庠生

濂溪島上鑿蓮池  
蓮發千層香倍奇  
下里巴人堪屬和  
甘棠詩後續蓮詩

玉帶七曲

曾宗孔 庠生

倏遶西山七曲來  
山門玉帶水徘徊  
蘇公留鎮原如此  
碧色溶溶映水隈

松亭呼風

談繼孔 廩生

松門薜荔日陰陰  
巖畔空亭鎖茂林  
習靜深山風色泠  
此中無限梵王音

石柱冲霄

孫傳文 庠生

遠安縣志

詩七絕

二

卷八

亭亭石柱插千山  
只去蒼穹咫尺間  
一日青雲生頂上天  
山相接許誰攀

危巖招仙

孫愉 庠生

千巖萬壑護仙山  
山自白雲洞口還  
誰是主人招得至  
猶留樓閣在人間

羅漢點頭

談繼孔

片石嶙峋似面壁  
山中常共白雲浮  
禪心直指忘今古  
頓憶當年石點頭

法華古臺

張千英

環山翠擁是經臺  
傳自法和講法來  
臺上至今雲色

靄晴光日日映蒼苔

錦屏一峯

天然一幅翠屏開  
面面仙峯凌上臺  
異草奇花凝五色  
清吟常待主人來

苦竹幽谿

竹溪幽邃絕逢迎  
勁節拂雲入眼青  
遙憐馬跡車塵地  
風清何如此味清

青谿懷古

盛徵琪

爲訪先生舊礪阿  
我來捫葛與攀蘿  
空山讀易成千古  
世上陰符一卷多

鬼谷子

遠安縣志

詩七絕

三

卷八

亂世生才亦大難  
琴心幽絕爲誰言  
可憐五曲青谿水  
不爲中卽一洗冤

蔡中郎

殘碑猶話義熙年  
似爲泉明白社遷  
米汁未妨寬酒戒  
箇中三昧上乘禪

釋惠遠

佛果三生慧業修  
菩提葉落不應愁  
葯爐經卷詩中畫  
但到名山屐便留

王右丞

谿上獨坐

喬桓之

漂泊楚江二十秋

予生四月隨先君宦遊  
楚比今已二十年矣

西風吹起

故鄉愁寂然  
獨坐斜陽裏  
木葉蕭蕭落滿頭

寶華寺八景

金芝潤

知縣

我來見山不見寺行行到寺只見山浮生十載空忙  
碌偷得忙中三度間

空山古剎

洞古山深水氣秋老龍潛處黑雲收自從澤被蒼生  
後霖雨恩膏萬古留

甘霖龍洞

懸崖千尺薜蘿長翹首經過石影涼此處紅塵飛不  
到直如天際白雲鄉

太白懸崖

山名美女自可人霧髻雲鬟影逼真試向清宵明月  
下恍如仙子現全身

仙巖聳翠

日落空山景色佳峯頭一片夕陽斜牧童歸去牛成  
陣驚起寒林萬點鴉

孤峯晚照

遠安縣志

詩七絕

四

卷八

山高月小片雲無一派清光勝五湖想像嫦娥淒楚  
甚廣寒空架鏡臺孤

澄潭夜月

石鼎何年巧鑿成依稀猶有匠人名塵封細認前朝  
字成化鐫來記大明

千年石鼎

萬壑噴泉遶寺門溪聲千古自朝昏老僧日日扶筇  
聽那有塵囂到耳根

萬壑奔流

宿鹿苑寺

黃松齡

庠生

五更殘月下雲門尚有詩魔繞夢魂一覺恐隨劉阮  
誤歸家不敢認兒孫

鹿苑雜詠

李逢年

庠生

峭壁千尋石戶開不雕不鑿絕塵埃無人到此成仙  
隱幾度相招鶴不來

危巖招仙

山重水複護經臺此地昔曾講法來瑤草奇葩香不  
斷人間卽此是蓬萊

法華古臺

熊應兆

一幅屏風似錦裁峯懸霄漢綉生苔天公欲闢清涼  
界故遣青山擁護來

錦屏一峯

汪超羣

廩生

招仙擬詠太沖詩挹袖拍肩左右隨古洞長留人不  
見巖前日月自交馳

危巖招仙

遠安縣志

詩七絕

五

卷八

沮江櫂歌十八首

詹應甲

沮江江水不生潮船在中流自擺搖昨夜鳳凰山下  
過櫂歌吹竹入雲霄

雙橋橫跨鏡當中江上花枝照水紅不泊城南泊城  
北要他香雨打船篷

漁弟漁兄釣具拋得魚沽酒酒盈匏風潭百尺深無  
底不放鷓鴣下水貓

新城舊縣接龍灣昨日移家今日還爲趨洋坪香市  
近犁鋤買向夜紅山

青溪五曲港三义雷打埡高傍水涯夏販林檎秋販

橘果然山果勝山花  
細雨斜風泊櫂回  
滄江昨夜起春雷  
朝來添得桃花漲  
好似園中錦浪堆

蠶市家家版屋連  
繅車低就樹陰圓  
新絲留與河溶客  
不織羅衣換木棉

一村鼓響一村鑼  
拔草分秧各唱歌  
拋却篝車無用處  
山田終比水田多

招仙洞口雲模糊  
雲門山人今有無  
山中白鹿不知處  
苦竹滿谿啼鷓鴣

香燈春賽二賢祠  
名宦風流或在茲  
錯認韋臯曾綰遠  
安縣志

詩七絕

六

卷八

印玉簫吹斷竟無詩

鳳岫高高鹿苑長  
採茶更比採桑忙  
畫眉枉笑提筐女  
不把雙蛾仔細量

火龍竹馬共喧闐  
腰鼓聲中看簸錢  
怪底山深如太古  
還將故事賀新年

一剪香風蕙草柔  
春來羅漢峪中收  
此花久已塵根斷  
故遣樵夫挂擔頭

洞門深鎖碧空虛  
鬼谷先生講易居  
中有千年白蝙蝠  
不容人世看奇書

茅坪石管路週遭  
嶺勢崎嶇入笕槽  
爭似船如天上

坐掛帆直下萬山高  
船頭船尾拜觀音不獨農夫望澤心  
山上白雲山下雨  
第三潭裏水龍吟  
江樹江雲夢幾重  
櫓枝無力水溶溶  
只愁風落寒塘夜  
纜向城西聽打鐘  
一葉篷推面面窗不勞打漿燕飛雙  
送君能載山頭石  
壓倒波濤出大江

沮江雜詠

陳國樂

數家茅屋自成村  
美酒熟時各舉尊  
父老課畊兼課讀  
半治經史半田園

遠安縣志

詩七絕

七

卷八

小橋流水竹蕭疎  
燈火紙窗課讀書  
門外荷花堤外樹  
輞川烟雨畫難如  
春柘枝頭叫插禾  
春桑葉底看披蓑  
閒情多是村家老  
桑柘陰濃來聽歌  
麥黃要刈又絲繅  
陰雨淒淒暗遠臯  
今日南山晴有象  
樹頭擁出一輪高

沮江竹枝詞

陳文藻

水引長河漸到渠  
家人相戒治新畬  
夜來風雨知多少  
固得堤防溝又淤  
蠶家辛苦在三眠  
繅就新絲換木棉  
相勸栽桑栽滿

圃明年葉好勝今年

軋軋寒機徹夜鳴  
合家共就一燈明  
阿婆紡線呵翁績  
爲課兒書傍短檠

長短亭連長短橋  
鄉村風景畫難描  
角聲清越歌聲緩  
半是牧童半採樵

沮江雜詠

陳文蔚

半住山隈半水隈  
水隨山轉向東來  
過山攜得新鴉嘴  
受水渠多傍嶺開

舍北舍南春水生  
平疇遠近畫難成  
雨餘又聽田歌起  
添得夕陽賽鼓聲

遠安縣志

詩七絕

八

卷八

麩麥黃時聽嘒鶯  
春蠶入簇吐絲清  
村中打麥聲初過  
籬外縑車又送聲

沙棠舟與木蘭舟  
自在江心泛碧流  
昨夜不知何處雨  
桃花漲裏櫓聲柔

秋日登鳴鳳山

集唐

徐甲冕

庠生

峯前峯後寺新秋

賈島

風物淒淒宿雨收

韓翊

月在上方

諸品靜

元郎士

前程惟有一登樓

李端

林下水聲喧語笑

王維

心持半偈萬緣空

元郎士

爐煙乍

起開仙仗

皇甫曾

夜叩禪扉謁遠公

元郎士

士

石帆釣磯

傅正操

危磯斜枕石門隈幾度烟雲掃不開釣得錦鱗人去  
也年來春雨長莓苔

獨步蓮渡庵

姜開齊

獨步禪林一徑西慧風吹處醒塵迷箇中未得阿難  
意老死蒲團亦帶泥

三寶山

王志宏

庠生

神山外又列三峯百寶精含品字濃鼎足扳來爭攬  
勝無人知是抱珠龍

仙女洞

王東陽

監生

翠羽明璫下九重白雲深處寄仙蹤洞天開闢歸何  
遠安縣志

詩七絕

九

卷八

處惟有瑤臺月下逢

遊仙女洞

李中孚

庠生

深山何處覓仙蹤蘭若遙知在半峯行到人烟將斷  
處隔林聞得數聲鐘

老龍洞

王若蘭

廩生

龍蟠古洞是何年想在元黃未戰前臥向山中鱗甲  
老常爲霖雨潤敷天

沮江垂釣

談頌

增生

沮江水小漾微瀾兩岸漁人試釣竿帆影隨風看上  
下終年兀坐傍沙灘

龍華觀晚眺

覃儻徽 例貢

沮江一曲一重灘  
蕩漾輕舟上水難  
向晚河干爭欲泊  
片帆收處夕陽殘

幾樹丹楓染絳霞  
經霜飽欲鬥春華  
行人不識秋風早  
祇訝山深尚著花

香泉雜詠

覃仙根

門凌千仞石嵯峨  
鎖得深山翠靄多  
只有溪流關不住  
漁郎認作武陵過

石門鎖翠

認是天然一錦屏  
輕雲過去影籠青  
山人最厭塵氛擾  
恰好移來障戶庭

錦屏籠雲

遠安縣志

詩七絕

十

卷八

題香泉巖

集唐

徐文倜

窮得仙源訪隱淪

朱灣

也應花裏有秦人

吳融

干戈滿地

能高臥

李咸用

何異飄飄託此身

甫村

到君居處便開顏

劉錫禹

何用將金別買山

朱慶餘

此地

正安吟榻好

僧齊己

了然塵土不相關

吳融

覃應松

庠生

石床溪水晝陰陰

李端

坐向松窗彈玉琴

劉滄

到此詩情

應更遠

張籍

過君始得一長吟

李端

澹然空水帶斜暉

溫庭筠

薄暮垂鞭醉酒歸

李白

借問路

旁名利客

崔顥

不如巖下掩荆扉

岑參

尋芝蘭洞

徐樹勳 庠生

洞在清溪何處邊 張旭 荷藜因共過林煙 伍喬 路旁樵客

無須問 朱灣 只箇逍遙是謫仙 李咸用

好山長在水長流 李涉 細草春香小洞幽 韓翃 此外俗塵

都不染 李禎 白雲千載空悠悠 崔顥

題楊貞女祠

李玠 知縣

作宰湖濱到此鄉 貞珉知有女賢良 鐵肝玉質松筠性 一片冰心兩鬢霜

鏡鸞孤掩素帷寒 夢覺殘更淚未乾 若使玉樓人可返 當剖心跡與郎看

遠安縣志

詩七絕

十一

卷八

遊春詞

喻慈昌

山前山後共徘徊 十樹桃花九未開 欲折一枝兩枝去 同人促我下山來

其二

青帘遙掛野人家 買醉偏教逸興賒 柳醉春風儂醉酒 狂吟那管夕陽斜

法琳洞

朱玉 千戶

老僧入定洞門幽 巖上曾移水下流 欲拭殘碑尋往事 莓苔剝蝕幾千秋

谿上垂釣

貢生 周光祿 阮亭

一把綸竿事事休無風無浪坐磯頭而今世上多香餌莫似遊麟誤上鈎

望青谿山

當邑張致青貢生

一望白雲西復西遙從天半認青谿不知古木森森處若箇幽人得所棲

懷青谿

長林廩生黎鳳誥鐵愚

夢想高安十七年無人肯贈買山錢何時得遂烟霞癖願種青谿數畝田

法琳洞

周維翰

古木陰森洞壑間白雲相伴老僧閒老僧翻笑雲多

遠安縣志

詩七絕

十二

卷八

事偶有風來便出山

石橋月下小飲定青谿八景

談經正

嶺上雲依老衲間朝朝洞口護禪關只今古德空陳迹猶有白雲自往還

臥雲古洞

飄然雲鬢與風鬢萬里峨岷到楚山坐愛寒巖鐘磬

冷水晶宮殿未曾還

龍女遺蹤

忘機石上坐潺湲把酒人當水月閒月色溪光長若

此茫茫塵土幾人間

溪橋夜月

泠然數杵徹雲汀觸石浮溪久未停日落烟消羣籟

寂聲聲散入萬峯青

烟寺晚鐘

分流夾岸漱雲根一帶澄泓繞寺門藍翠染成溪色  
淨碧天影落淡無痕

雙泉澄碧

混茫終古瀉重淵捲起千堆雪滿川六月寒生銀海

眩從伊熱客冷潺湲

奔濤濺雪

幽洞雲荒澗壑陰當年龍德退潛深儀秦底事耽遊

說不似先生高尚心

鬼谷幽棲

雙蹲石闕數峯西非霧非烟望轉迷石上仙人曾弈

處至今紫氣罨青谿

雲夢晴嵐

### 南山古塔

郭文翰

職員

浮屠幾級峙沮江文筆峰高鼎可扛白虎回頭將隱

### 遠安縣志

詩七絕

十三

卷八

伏青龍對面亦奔降

### 鶴山晚眺

吳祖祜

月光出海鏡新磨晚眺山亭快意多賸有白雲終古

在仙禽何日下卷阿

### 小漢口將軍柱

邑庠

陳東生

地老天荒兩岫連冲霄一柱入雲烟巍然不負將軍

號撐起東南半壁天

### 鹿苑八景

陳東生

地平山峭枕溪濱錦列屏風一座春天愛禪關清若

水好峰留與障紅塵

錦屏一峰

秀鬱林蠻絕俗塵帶飄七曲更怡人腰間豈必橫金  
紫束住仙邱萬古春

玉帶七曲

清絕一絃萬慮除久來亭畔聽松呼不知寺眾多塵  
胃也藉濤聲一浣無

松亭呼風

鹿苑幽深景最清沖霄一柱石生成朝朝五色烟霞  
起併作如來寶蓋擎

石柱沖霄

招仙洞口意傍徨信是仙人舊日藏爲問了緣何處  
所岩花山鳥兩茫茫

危岩招仙

說法梁僧遇也不深山何事久羈留落花流水禪機  
好今古相參幾點頭

羅漢點頭

遠安縣志

詩七絕

十四

卷八

一臺突兀拱丹邱古撰殘碑攬勝求一自講經人去  
後巖頭羅漢點頭不

法華古臺

蒼翠叢叢古苑西芳尋苦竹入幽谿穿來一徑雲深  
處惟有時禽不住啼

苦竹幽谿

鹿苑聽蛙鼓

遊擊

翟士彪

閣臣

怒目當轅發鼓鼙聞聲早動武臣思昆蟲敢戰君王  
敬況是將軍得勝時

天上天

庠生

李逢年

力田

踏破紅塵到九天層層更上境無邊站高地步開心  
眼低看星辰盡倒懸

沮江舟次

牟慶甲

增生

曉掛輕帆過舊城雲中看樹不分明  
下流水急檣如馬但覺垂楊往上行  
彷彿乘槎近斗牛澹烟漠漠水天浮  
有船對我來江上頃刻瞻之在後頭

宿鹿苑見螢火

陳教墀

庠生

夜來古剎地幽深日月光輝不照臨  
一點流螢飛殿外借他見我暗中心

遊鳳山錯路

周葆恩

訓導

上下關頭要認真如何浪迹入風塵  
路逢錯處方知遠安縣志  
轉悔不前途豫問人

詩七絕

十五

卷八

勸農咏秧馬

踏遍春泥向大田雨中馳驟老農牽  
迴頭九陌多餘地退後功夫勝上前

戒舟子揚帆

翟春藻

廩生

半帆緩緩上沮河已比推移省力多  
事事過高都有險不如收斂少風波

讓人先到也無妨爲甚中流着意忙  
何事不因求速悞小心立腳免風張

玉泉鐵塔

李逢年